



Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 57 (12.368)

Баҳоси эркин нарҳда

ТОШКЕНТ ОҚШОМИ

БУНЁДКОРЛИК, ОБОДЛИК ВА ФАРОВОНЛИК АЙЁМИ

ПРЕЗИДЕНТ ИСЛОМ КАРИМОВНИНГ НАВРЎЗ БАЙРАМИГА БАҒИШЛАНГАН ТАНТАНАЛИ МАРОСИМДАГИ ТАБРИК СЎЗИ

Ассалому алайкум, азиз ва-
тандошлар!

Муҳтарам меҳмонлар!
Шу кунларда каттаю кичик
барча юртдошларимиз бағри-
ни кенг очиб, баҳор, яшариш
ва янгиланиш рамзи бўлмиш
Наврўз айёмини «Хуш келибсан
ўлкамизга, Наврўзи олам!» деб,
шоду хуррамлик билан кутиб
олмоқда.

Шу мунаввар тонгда сиз азиз-
ларни, сизларнинг тимсолин-
гизда бутун халқимизни Наврўз
айёми билан чин қалбимдан
табриклаб, барчангизга ўзим-
нинг ҳурмат-эҳтиромим ва са-
мимий тилакларимни изҳор
этишдан бахтиёрман.

Қадри юртдошлар!
«Нима учун биз Наврўзни до-
имо соғиниб, интизорлик билан
кутамыз? Нима учун бу сана
барчамиз учун энг сеvimли, энг
ардоқлайдиган байрамимизга
айланиб қолган?», деган савол
берилиши табиийдир.

Бунинг сабаби, Наврўзи олам
биз учун энг қадимий, асл мил-
лий, турли мафкура ва сиёсат-
лардан холи, урф-одатлари-
мизга ва қадриятларимизга жа-
воб берадиган байрам, десам,
айни ҳақиқатни айтган бўламан.

Нега деганда, Наврўз ўз руҳи
ва ғоялари билан ҳар қайси ин-
сон она заминнинг, табиатнинг
ажралмас узвий қисми экани-
ни, табиатнинг нақадар гўзал
эканини ҳис қилиб, уни эъзоз-
лаб, ҳамнафас бўлиб яшашга
ундаши билан бизга қадрлидир.

Ҳар қандай ғараз, гиналар ва
низолардан воз кечиб, тинч ва
осойишта ҳаётнинг қадрига
етиш, аҳиллик ва бирдамлик,
элатлар орасида ўзаро ҳурмат
ва ҳамжиҳатлик нақадар бебаҳо
бойлик эканини улуғлаши, ўзи-
нинг даъватлари билан Наврўз
байрами халқимизнинг қараш-
ларига ғоят ҳамоҳангдир.

Айни ана шундай чуқур маз-
мун ва маънога эга байрамни ту-
файли, хосият ва файз, қут-ба-
рака ва мурувват каби хусуси-
ятларни ўзида муҳассам эти-
ши билан кун ва тун тенг кела-
диган шарқона Янги йилимиз-
ни – бу гўзал баҳор айёмини
барчамиз орзиқиб кута-
миз, эъзозлаймиз, хурсандчили-
к билан умуммиллий байрам сифа-
тида ўтказамиз.

Бунинг яққол тасдиғини шу
кунларда юртдошларимизнинг
тобора очилиб келаётган таби-
атдан баҳра олиб, сумалак ва
ҳалим, гўжа ва кўксомса каби
баҳорий неъматлар тортилган
дастурхонлар атрофида, яшил

майдон ва кўкаламзорларда
ўтказилаётган сайил-томоша-
ларда, миллий кураш ва улоқ
чопиш мусобақаларида кўриш
ва кузатиш қийин эмас.

Айни шу бетакрор фаслда
одамларимиз халқимизга ман-
суб бўлган, унинг одатига ай-
ланиб кетган қадриятлар –
бир-бирига меҳр-оқибат кўрса-
тиш, беморлар, кўнгли ярим ин-
сонларга беминнат ёрдам бе-
риш, табаррук кексаларимиз-
нинг дуосини олиш каби эзгу
фазилатларни яққол намоён
этиб, ўз қувончи ва шодлиғини
яқинлари, дўсту ёрлари, кўни-
қўшилари билан баҳам кўриш-
га интилади.

Она Ватанимизда яшайдиган,
миллати, тили ва динидан қатъи
назар, барча-барча юртдошла-
римиз ана шундай хурсандчи-
лик кайфиятига берилиб, На-
врўзни ўз қадрдон байрамидек
қабул қилади.

Мана шундай қувончли дам-
ларда бугун халқимизга катта
ҳурмат ва эҳтиром билдириб,
шу гўзал майдонда Наврўз шо-
диёналаримизда иштирок эта-
ётган чет мамлакатларнинг
муҳтарам элчилари ва халқаро
ташкилотлар вакиллари, хо-
рижий шерик ва ҳамкорлари-
мизни, барча азиз меҳмонла-
римизни сизларнинг номингиз-
дан, бутун халқимиз номидан
қутлаб, уларга миннатдорчилик
билдиришга рухсат бергайсиз.

Азиз дўстларим, қадрдонла-
рим!


Шу ёруғ лаҳзаларда мана
шундай муҳташам ва файзли
майдонда жамулжам бўлган
сиз азизларга, сизларнинг
сиймонгизда барча табаррук
кексаларимиз, мунис опа-син-
гилларимизга, кўзлари ёниб
турган, халқимизнинг таянчи ва
суянчи бўлмиш навқирон ёшла-
римизга – менинг фарзандла-
римга ўзимнинг чуқур меҳрим,
севги ва ҳурматимни изҳор
этаман.

Барчангизни бағримга босиб,
яна ва яна бир бор бугунги дил-
бар айём билан қутлаб, юра-
гимда, қалбимда бўлган сами-
мий тилакларимни билдираман.

«Обод турмуш» деб ном ол-
ган йилимизнинг Наврўзи ҳам-
мамизга, барча-барча хонадон-
ларга, оилаларга тинчлик-
омонлик, бахту саодат, файзу
барака келтирсин!

Орзу-ниятларимиз ушалсин,
Ўзбекистонимиз янада обод ва
фаровон бўлсин!

Наврўзи олам барчамизга
муборак бўлсин!



Алишер Навоий номидаги Ўзбекистон Миллий боғида бўлиб ўтган Наврўз байрами тантаналаридан репортаж



Киш захридан толиққан замин баҳор насимидан энтикади. Шарқираб оққан
сувлар унга яна ҳаёт бахш этади. Дарахтлар сулув келинчақлардек бошига
яшил гулчамбар такади. Киру адирларда майсалар бўйи чўзади. Мусаффо
осмон узра чараклаб чиққан қуёш кўнглиларни-да ёриштириб юборади.

Бундай фарахбахш дамларда инсон қалби беихтиёр қувончга тўлади.
Шу кунларга етганига шукрона айтиб, шоду хуррамлик қилгиси келади.
Ана шу табиий эҳтиёжнинг, эзгу хоҳиш-истакнинг ҳосиласи бўлиб юр-
тимизга Наврўз кириб келди. Шаҳару қишлоқларда, маҳаллаларда кар-
най-сурнай садолари янграмоқда. Кўчаларни тўлдириб бораётган одам-
ларнинг юз-кўзларида шодумонлик. Набирасини етаклаган отахонлар,
кайвони онахонлар, ўйинқароқ болакайлар, баҳордек латофатли қиз-
жувонлар, оташқалб йигитлар Наврўз сайлига ошиқади...

19 март. Алишер Навоий номидаги Ўзбекистон Миллий боғи байрамо-
на безатилган.

Бу ерга сенаторлар ва депутатлар, ҳукумат аъзолари, фан, маданият,
санъат, спорт намоёндалари, ишлаб чиқариш илғорлари, табиркорлар,
муҳтарам отахону онахонлар, турли соҳаларда меҳнат қилаётган юрт-
дошларимиз, мамлакатимизда фаолият кўрсатаётган хорижий давлатлар
элчихоналари ва халқаро ташкилотлар ваколатхоналарининг вакиллари
ташриф буюрган.

Соат 10:30. Майдонга Ўзбекистон Республикаси Президенти Ислам
Каримов кириб келади.

Байрам тантанасига ҳозир бўлганлар давлатимиз раҳбарини қарсақ-
лар билан кутиб оладилар.

Чорлов мусикаси янграйди.

Сўз Ўзбекистон Республикаси Президенти Ислам Каримовга берилади.
Давлатимиз раҳбари халқимизни Наврўз байрама билан муборакбод эти-
лади. Муаззам майдон атрофида турфа ранглардаги байроқчалар жипсирай-
ди. Саҳна теграсида ўрнатилган сўрилар, қўшайвонлар халқимизнинг
обод ва файзли хонадонларини эслатади. Оҳиста айланаётган чархпа-
лак бу манзилларга ободлик ва фаровонлик белгиси – обихаёт олиб
келади. Ҳар бир юртдошимизга таниш, кўнглига яқин бундай файзли
манзара қалбларга кўтаринкилик бағишлайди.

Фусункор майдон узра борлик уйғониши, янги кунни мадҳ этувчи наво
таралади. Саррин куй оғушида улкан мониторларда юртимиз манзарала-
ри – ям-яшил боғлар, бепоён далалар, замонавий иншоотлар, қадимий
обидалар, бунёдкор замондошларимиз қиёфаси намоён бўлади.

Майдонга Обод турмуш маҳалласи фаоллари чиқиб келади. Наврўз
байрамини аҳиллик ва ҳамжиҳатликда, маҳаллани янада обод ва кўркем
этган ҳолда кутиб олиш борасида кенгашади.

Наврўз ободлик, орасталик, меҳр-оқибат, хайру саховат айёмидир. Халқи-
миз бу йил ҳам Йилбошини ана шу эзгу тамойилларга мувофиқ кутиб олмоқ-
да. Баҳорнинг дастлабки кунларидан юртимизда ободонлаштириш ва кўка-
ламзорлаштириш ишлари авжига чиқди. Умумхалқ ҳашари ташкил этилиб,
маҳаллалар, кўчалар, аҳоли турар-joyлари ободонлаштирилди, арик-зовур-
лар тозаланди, зиёратгоҳ, қабристон ҳамда муқаддас қадамжолар тартибга
келтирилди, мевали ва манзарали дарахтлар, гул кўчатлари ўтказилди.

(Давоми 2-бетда)



МАМЛАКАТИМИЗДА

● Қашқадарё вилоятида Президенти-
мизнинг 2012 йил 22 октябрда қабул
қилинган «Ўзбекистонда фермерлик фао-
лиятини ташкил қилишни янада такомил-
лаштириш ва уни ривожлантириш чора-тад-
бирлари тўғрисида»ги Фармони асосида
фермерлик ҳаракатини ривожлантиришга
бағишланган минтақавий ўқув-семинарла-
ри бўлиб ўтмоқда. Уларда туманлардаги
қишлоқ хўжалиги корхоналарининг масъ-
ул ходимлари, фермер хўжаликлари раҳ-
барлари ва соҳа мутахассислари иштирок
этмоқда.

● Самарқандда ўзбек миллий кино
санъати кунлари ўтказилди. «Обод турмуш
йили» Давлат дастури ижросини таъмин-
лаш мақсадида «Ўзбекино» миллий аген-
тлиги ва Самарқанд вилояти ҳокимлиги то-
монидан ташкил этилган мазкур тадбирда
таниқли кино ва театр актёрлари, режис-
сёрлар, санъатшунослар қатнашди.

● Фарғонада Ўзбекистон Республикаси
Президенти соврини учун анъанавий «Та-
шаббус» кўрик-танловининг вилоят босқи-
чи якунланди. Мазкур танловда туман ва
шаҳар босқичларида ғолиб чиққан 70 на-
фар тадбиркор, фермер ва хунармандлар
иштирок этди.

● Урганч шаҳрида умумтаълим мактаб-
ларининг маънавий-маърифий ишлар бўйи-
ча директор ўринбосарлари, «Камолот» ЁИХ
бошланғич ташкилотлари етакчилари ҳамда
таълим муассасалари психологлари учун
ўқув-семинари ташкил этилди. Тадбирда
таълим муассасаларида «Камолот» ЁИХ
бошланғич ташкилотлари фаолиятини ри-
вожлантириш, уларнинг иш самарадорли-
гини ошириш, ёшлар билан ишлашда етак-
чиларнинг ўрни ва бу жараёнда учраётган
турли камчиликларга барҳам бериш маса-
лалари муҳокама этилди.

ЖАҲОНДА

● 1990 йилнинг 18 мартда полициячи-
лар кийимини кийган икки жиноятчи Бос-
тон шаҳридаги машҳур Изабелла Стюарт
Гарднер номидаги хусусий музейга кириб,
қоровулларни боғлаган ҳолда Рембрандт,
Вермеер, Дего ва Монелар ижодига ман-
суб 13 та шох асарини ўғирлаб кетган эди.
АҚШ махсус хизмати вакиллари мамлакат
тарихидаги ушбу энг йирик музей талон-
чилигини фош этишганини маълум
қилишди.

● Малайзия божхоначилари 4,5 милли-
он долларлик йирик туркумдаги наркотик-
ларни топиб, мусодара этишди. Гап шун-
даки, 73 килограмм микдордаги метамфетамин
гнѐхвандлик моддаси Хиндистондан
жўнатилган янги узилган гуллар жойлан-
ган кутиларга яширилган экан. Дастлаб
ушбу юк божхоначиларда керакли рухсат-
номалар йўқлиги учун шубҳа туғдирди ва
улар юк машинасини таъқибга олиб, жи-
ноятни фош этишди.

● Жанубий Кореянинг «Samsung» компа-
ниясига «Galaxy» русумидаги янги «Galaxy S4»
смартфони тақдимотини ўтказди. Ушбу мо-
биль алоқа воситаси анча такомиллаштирил-
ган бўлиб, у «Smart Scroll», «Smart Pause»
каби қўшимча функциялар билан бойитил-
ган. Улар телефонни кўз ҳаракати билан
бошқариш имконини беради. Экран эса ди-
агонали бўйлаб 4,8 дюймдан 5 дюймга кат-
талаштирилди. Таъкидлаш керакки, ушбу
янги мобиль алоқа воситаси «Apple» компани-
яси томонидан тайёрланган «Phone 5» смарт-
фонлари билан рақобатлаштириш мумкин.

● Жанубий Корея ҳукумати футболдаги
келишилган ўйинларга қарши курашувчи
махсус назорат ташкилотини тузишга қарор
қилди. Янги кенгаш келишилган ўйинлар-
ни кузатиб боради ва ўйинчилар билан ҳам-
корликда фаолият юритади. Шу билан бир-
га, бундай ҳолатлар ҳақида хабар қилган-
лар учун мукофот пуллари икки баробар
оширилган. Корея спорт лигаси раҳбария-
ти келишилган ўйинларга аралашган жа-
моалар қарзини узиш муддатини ҳам қис-
қартирадиган бўлди.

БУНЁДКОРЛИК, ОБОДЛИК ВА ФАРОВОНЛИК АЙЁМИ

(Давоми. Боши 1-бетда)

Байрам кунларида сергайрат ёшлар, кўли очик тадбиркорлар кўмакка муҳтожларга беминнат ёрдам берди. Беморларнинг ҳолидан хабар олинди. Кўни-кўшнлар бир-бирларига Наврўзнинг тансиқ таомларини илдири.

Кўпчиликнинг ҳайрати ва ҳавасини уйғотадиган, юртимиздаги барча маҳаллада қарор топган бундай ҳамжихатлик муҳити Президентимиз Ислон Каримов раҳнамолигида маҳалла институтини ривожлантириш борасида амалга оширилётган изчил ишлар самараларидандир.

Мустақиллик йилларида маҳалла ҳаёти билан боғлиқ кўплаб қадриятлар, удум ва анъаналаримиз қайта тикланиб, замон талаблари асосида бойиб бормоқда. Маҳалла идорасининг ҳуқуқ ва ваколатлари тобора кенгайтирилмоқда. Бу фуқаролик жамиятини шакллантириш, оила институтини мустаҳкамлаш, тадбиркорлиқни ривожлантириш, аҳолини манзилли ижтимоий ҳимоя қилиш, жамоатчилик назорати ва ижтимоий шериклиқни кучайтириш, пировардида, ҳаётимизни янада обод қилишда муҳим аҳамият касб этаётди.

...Саҳнага – майдонга жажжи болакайлар кириб келади, ҳар тараф шўх-шодон кулгуга тўлади. Улар ижросидаги бахтиёр болаликни, муноқил юрт фарзандларининг бегубор ва кувноқ ҳаётини тараннум этувчи жарангдор куй-кўшиқлар, жозибдор рақслар барчага завқ-шавқ бағишлайди...

Халқимиз азал-азалдан фарзандлар бахту иқболини ўйлаб, эзгу орзулар билан яшайди. Наврўз кунларида фарзандларига атаб, уларнинг бахтли ва фаровон келажагини ўйлаб ниҳол экиб, боғ яратди.

Президентимиз таъкидлаганидек, ниманики ўз олдимизга мақсад қилиб қўймайлик, қандай буюк ишларни амалга оширишга интилимийлик, барча олижаноб ҳаракатларимизнинг негизда, барча эзгу ниятларимизнинг замирида фарзандларимизни ҳам жисмонан, ҳам маънавий жиҳатдан соғлом қилиб ўстириш, уларнинг бахту саодати, фаровон келажагини кўриш, дунёда ҳеч кимдан кам бўлмайдиган авлодни тарбиялаш орзуси мужассамдир.

Бу соҳада амалга оширилаётган ишлар самараси ўғил-қизларимизнинг соғлом ва баркамоллигида намоён бўлмоқда. Таълим тизимининг умумий ўрта, ўрта махсус ҳамда олий таълим тизимидан иборат барча босқичида замонавий билим ва касб-хунарларни пухта эгаллаган, чет тилларида эркин сўзлашадиган, жисмонан чиниққан, эътиқоди мустаҳкам авлод вояга етмоқда.

Бу Франциядаги "Инссад" халқаро бизнес мактаби томонидан Жаҳон интеллектуал мулк ташкилоти билан ҳамкорликда тайёрланган "Инновацияларнинг глобал индекси" маърузасида ҳам ўз ифодасини топди. Инновацион ривожланиш комплекс тарзда таҳлил қилинган ушбу маърузада Ўзбекистон 141 мамлакат орасида инсон капитални ривожлантириш даражаси бўйича 35-ўринни, таълим тизимини ривожлантириш даражаси бўйича эса 2-ўринни эгаллади.

Ёшларимиз энг нуфузли танловларда, Олимпиада ва жаҳон чемпионатларида ҳеч кимдан кам эмаслигини исботламоқда. 2012 йилда футбол бўйича Ўзбекистон ўсмирлари ва ёшлар терма жамоалари Осиё чемпионатида муваффақиятли иштирок этиб, жаҳон чемпионатида йўлланма олди.

Мустақиллигимизнинг 21 йиллиги арафасида пойтахтимизда қуриб битказилган "Бунёдкор" спорт комплекси мамлакатимиз спорт ҳаётида, қолаверса, Ўзбекистон тарихидаги катта воқеа бўлди. Халқаро футбол уюшмалари федерацияси – ФИФА томонидан Ўзбекистон футбол федерациясининг "Fair Play" (ҳалол ўйин) соврини билан тақдирланган Президентимиз Ислон Каримов раҳнамолигида мамлакатимизда футболни ривожлантиришга қаратилаётган юксак эътиборнинг халқаро миқёсдаги яна бир эътирофи бўлди.

Тинч-осойишта элда хурсандчилик, тўй-томоша бўлади, ҳаловатли халққа байрамлар ярашади. Мамлакатимизда олиб борилаётган оқилона сиёсат самарасида осмонимиз мусаффо, тинчлик-барқарорлигимиз мустаҳкам, турли миллат ва элат вакиллари ягона оила фарзандларидек аҳил ҳаёт кечирмоқда.

Бир кун жанжал чиққан жойдан қирқ кун барак кўтарилади, дейди халқимиз. Дунёнинг турли минтақаларида юз бераётган нотинчликларни, таъназулли қўриб, ушбу нақл ҳикмати янада чуқурроқ англаймиз. Шундай тинч, осуда, фаровон юрда яшаётганимизга шукроналар айтамыз.

Тинчлик барқарор юрда кут-баракка, ривожланиш бўлади. Буни глобал молиявий-иқтисодий инқироз ҳамон давом этаётган бугунги шароитда мамлакатимиз иқтисодиёти барқарор суръатларда ривожланаётганида ҳам кўриш мумкин. Президентимиз раҳнамолигида амалга оширилаётган ижтимоий-иқтисодий ислохотлар самарасида 2012 йилда Ўзбекистон аҳоли турмуш даражасини изчил юксалтиришни таъминлади, дунё бозоридаги ўз позициясини мустаҳкамлади. Мамлакатимиз яппи ички маҳсулоти 8,2 фоизга ўсди. Аҳоли даромадлари миқдори 17,5 фоизга кўпайди.

Янги иш жойлари ташкил этиш, айниқса, ёшларни ва хотин-қизларни иш билан таъминлашга қаратилаётган эътибор натижасида аҳоли турмуш даражаси юксалиб бормоқда. Ўтган йилда ушбу

мақсадга қаратилган комплекс чора-тадбирлар дастурини амалга ошириш ҳисобидан қарийб бир миллион янги иш ўрни ташкил этилди.

Аҳоли бандлигини таъминлаш бундан буён ҳам энг устувор йўналишлардан бири бўлиб қолади. Хусусан, жорий йилда 970 мингдан ортиқ янги иш ўрни яратилди. Бу оилалар фаровонлигини, маҳаллалар ободлигини, ёшларнинг ўзига бўлган ишончини янада мустаҳкамлашга хизмат қилади.



Бу борада кичик бизнес ва хусусий тадбиркорлик соҳаси алоҳида ўрин тутди. Бугунги кунда ушбу сектор жамиятимиздаги иқтисодий, ижтимоий ва сиёсий барқарорлиқнинг муҳим омиллиги, юртимизни тараққиёт йўлидан фаол ҳаракатлантирадиган кучга айланиб бормоқда. Соҳа вакиллари халқимиз фаровонлиги, дастурхонимиз тўқинлиги, иқтисодиётимизнинг жадал ривожланишига муносиб ҳисса қўшаётди.

Бу жиҳатлар 2012 йил 14 сентябрь куни Тошкентда бўлиб ўтган «Ўзбекистонда ижтимоий-иқтисодий сиёсатни амалга оширишда кичик бизнес ва хусусий тадбиркорлиқнинг роли ва аҳамияти» мавзусидаги халқаро конференцияда хориқлик ишбилармонлар, етакчи экспертлар томонидан ҳам эътироф этилди.

Янгилаш – нафақат табиатга, балки жамият

Хизматларнинг юқори технологияларга асосланган ва бозор иқтисодиётига хос турлари жадал ривожланмоқда. Жумладан, 2012 йилда алоқа ва ахборотлаштириш хизматлари 24,5 фоизга, компьютер дастурлаш хизматлари 18 фоизга, технологик асбоб-ускуналарни таъмирлаш ва уларга хизмат кўрсатиш 17 фоизга, молия-банк хизматлари 17,6 фоизга ўсди.

– Ўзбекистонда баҳор байрами – Наврўзни тўртинчи марта қутиб олаётганимдан мамнунман, – дейди Корея Республикасининг мамлакатимиздаги Фавкуллода ва мухтор элчиси Чон Дэ Ван. – Ҳар йили ушбу айёмда тайёрланадиган сумалакни бажонидил тановул қиламан. Президент Ислон Каримов раҳнамолигида Ўзбекистон ҳар томонлама жадал ривожланмоқда. Буни мамлакатларимиз ўртасидаги ҳамкорлик кўлами йилдан-йилга кенгайиб, ўзаро товар айирбошлаш ҳажми тобора ошиб бораётганида ҳам кўриш мумкин. Ўзбекистон билан Жанубий Корея ўртасидаги ҳамкорлик алоқалари бундан кейин ҳам изчил тараққий этаверишига ишонаман. Фурсатдан фойдаланиб, Ўзбекистон халқини Наврўз айёми билан чин қалбимдан муборакбод этаман, тинчлик, бахт-саодат тилайман!



ҳаётига ҳам хос жараён. Наврўз арафасида янги уй-жойлар, корхоналар, тиббиёт ва ўқув муассасалари, хизмат кўрсатиш шохобчалари фойдаланишга топширилди. Бу иншоотлар Ватанимиз чиройига қиш қўши билан бирга, юртдошларимизнинг турмуш тарзини янада яхшилашга хизмат қилади.

Наврўздан Наврўзгача мамлакатимиз иқтисодий-ижтимоий ҳаётида улкан ишлар амалга оширилди. Йирик ишлаб чиқариш объектлари ишга туширилди.

Самарқанд вилоятида Германиянинг "МАН" компанияси билан ҳамкорликда юк автомобилли ишлаб чиқариладиган янги комплекси бунёд этишнинг иккинчи босқичи якунланди. Сурғил кони базасида дунё мезонлари бўйича ҳам ноёб бўлган Устюрт газ-кимё комплекси қурилиши бошланди. Қашқадар вилоятида Жанубий Африканинг "Саол" компанияси ва Малайзиянинг "Петронас" корпорацияси билан ҳамкорликда синтетик суюқ ёқилги ишлаб чиқариш бўйича йирик лойиҳани амалга оширишга киришилди.

"Навоий" эркин индустриал-иқтисодий зонаси ташкил этилганидан буён бу ерда 12 та корхона қурилиб, фойдаланишга топширилди. 2012 йилда улар томонидан қарийб 80 миллиард сўмлик маҳсулот ишлаб чиқарилди. "Ангрен" махсус индустриал зонаси ҳудудида қиймати 186 миллион долларлик 8 инвестиция лойиҳаси амалга оширилмоқда.

2012 йилда Ўзбекистонда барча қишлоқ хўжалиги экинлари – галла, пахта, сабзавот, полиз экинлари ва узумдан юқори ҳосил олинди. 7 миллион 500 минг тонна галла, 3 миллион 460 минг тоннадан ортиқ пахта, 2 миллион тоннадан зиёд картошка ва 9 миллион тоннадан ортиқ сабзавот ҳамда полиз маҳсулотлари етиштирилди.

Қишлоқ хўжалигида бозор муносабатларининг ривожлантирилаётгани, фермерлик ҳаракатида кенг имкониятлар берилаётгани бундай юксак натижаларни қўлга киритишда муҳим омил бўлмоқда.

– Наврўз – ўзига хос ноёб, ажойиб байрам, – дейди Франция Республикасининг Ўзбекистондаги Фавкуллода ва мухтор элчиси Франсуа Готье. – Бу байрам барчага қувонч улашади, ҳамжихатлик, меҳр-оқибатни мустаҳкамлайди. Биз ҳам бу шодиёнда иштирок этиб, давлат ва жамоат арбоблари, хориқлик меҳмонлар, ҳамкасбларимиз билан дийдор кўришамиз, байрам дастурини катта қувонч билан мириқиб томоша қиламиз. Байрам тантанасидаги кўтаринки рух, одамлар юз-кўзидаги қувонч ва шодлик юртингиздаги тўқинлик, фаровонлик, тинч ва осуда ҳаётдан далолатдир.

Наврўз байрамини хурсандчилик, ўйин-кулги, яхши тилак ва истаклар билан қутиб олиш ва ўтказиш халқимизнинг эзгу фазилатларидандир. Бу кунларда халқ термалари, бахшилар айтишуви, ҳазил-мutoйиба, кўшиқлар, лапарлар янграган. Улоқ-қўпқари, кураш, мерганлик, қўқор ва хўроз уриштириш каби томошалар ўтказилган. Дорбозлар, масхарабозлар, қўғирчоқбозлар, полвонлар ўз санъатини намойиш этган. Сумалак, ҳалим, кўксомса каби хилма-хил баҳорий таомлар пилирилган.

"Ўзбекистон маданияти ва санъати форуми" жамғармаси ҳамда ЮНЕСКОнинг мамлакатимиздаги ваколатхонаси ҳамкорлигида ўтказилаётган "Асрлар садоси" анъанавий маданият фестивали ана шу бой маънавий меросимизни кенг тарғиб этиш, санъатнинг турли йўналишларида фаолият кўрсатаётган ижодкорларни қўллаб-қувватлашга хизмат қилаётди.

"Art Week Style.uz – 2012" санъат ҳафталиги ҳам ўзига хос маданият ва санъат байрамига айланди. Ҳафталик доирасида ўтказилган «Олтин Гепард» иккинчи халқаро Тошкент кинофоруми, «Theatre.UZ/2012» халқаро театр фестивали, VI халқаро Тошкент фотобиеннаlesi каби йирик лойиҳаларда мусиқа, кино, театр, фотография, тасвирий санъат, дизайн, мода, меъморлик каби кўплаб соҳа ва йўналишлардаги ютуқлар намойиш этилди.

2012 йилда Конституциямиз қабул қилинганининг 20 йиллигини нишонладик.

Обод турмуш йили арафасида давлатимиз раҳбари Ислон Каримов гоёси ва ташаббуси асосида пойтахтимизнинг Алишер Навоий кўчасида бунёд этилган кўпқаватли замонавий уйлар фойдаланишга топширилди. Бу шаҳарнинг меъморий қиёфасини янгилаб, бошқа иншоотлар билан уйғунлик касб этди. Пойтахтимизни замонавий шаҳарсозлик талаблари асосида режалли ривожлантиришга қаратилган бундай изчил ишлар самарасида Тошкент дунёдаги экологик жиҳатдан тоза ва кўркем қиёфага эга етакчи пойтахт шаҳарлар қаторидан жой олмоқда. 2012 йилда Буюк Британиянинг нуфузли Economist Intelligence Unit (EIU) компанияси эълон қилган рейтингда Тошкент дунёнинг яшаш қулай бўлган шаҳарлари орасида қайд этилгани бунинг далилидир.

Президентимиз Ислон Каримов таклифига биноан Обод турмуш йили, деб эълон қилинган жорий йилда мамлакатимиз қиёфасини тубдан ўзгартириш, шаҳар ва қишлоқларимизда замонавий архитектура талаблари асосида уй-жойлар, ижтимоий объектлар барпо этиш, аҳолига муносиб турмуш шароитларини яратиш борасидаги бундай ишлар янада кенг кўлам касб этмоқда.

"Обод турмуш йили" Давлат дастурига мувофиқ қишлоқ жойларда намунавий лойиҳалар асосида барпо этилаётган 10 мингта яқка тартибдаги замонавий уй-жой қишлоқларимиз қиёфасини яхшилаш, одамларнинг турмуш маданиятини оширишга хизмат қилади.

Бундай юксалишлар юртдошларимизнинг онгу тафаккури ва дунёқараши ҳам ўзгаришмоқда. Одамлар бугунги ҳаётдан мамнун бўлиб, келажакка катта ишонч билан яшамоқда. Каттаю кичикнинг ҳаётга, меҳнатга муносабати ўзгариб, сиёсий ва ҳуқуқий маданияти тобора юксалиб бормоқда.

– Наврўз тантаналарини томоша қилар эканман, Юртбошимиз раҳнамолигида мустақиллик йилларида мамлакатимиз ҳар томонлама ривожланганига, одамларимизнинг турмуш даражаси ўсиб, дунёқараши ўзгариб бораётганига яна бир бор амин бўлдим, – дейди Фарғона вилояти Бешариқ туманида яшовчи меҳнат фахрийси Комилабиби Худойназарова. – Мисли қўрилмаган бу ютуқлар, бу ўзгаришлар мана шу тантаналар шукрида, юртдошларимизнинг қувончида ҳам яққол кўриниб турибди. Шундай дорилмомон кунларга етганимизга шукроналар айтамыз. Илоҳим, юртимиз тинч, ҳаётимиз обод, халқимиз фаровон бўлсин.

Бахтли яшашнинг омилларидан бири саломатлиқдир. Замонавий шифо масканлари бунёд этиш, тиббий хизмат сифатини ошириш, касалликларнинг олдини олиш, аҳолининг тиббий маданиятини юксалтириш, репродуктив саломатлиқни мустаҳкамлаш, болалар спортини ривожлантириш каби йўналишларда амалга оширилаётган ишлар халқимизнинг ана шундай бахтли ҳаёт кечиршини таъминлашга хизмат қилмоқда.

Республика ихтисослаштирилган жарроҳлик марказида замонавий тиббиёт ускуналари билан жиҳозланган, юрак-қон томир касалликларига чалинган беморларга жаҳон стандартлари даражасида диагноз қўйиш ва уларни даволаш имконини берадиган Кардиожарроҳлик мажмуасининг очилиши аҳоли саломатлигини сақлашга қаратилаётган эътиборнинг яна бир ифодаси бўлди.

Жорий йилда ҳам обод турмушнинг муҳим шарти сифатида инсон саломатлигини мустаҳкамлаш, бунинг учун соғлиқни сақлаш тизимини замонавий даволаш воситалари, техника ва технологиялар билан таъминлаш, касалликларнинг олдини олиш ишларини янада кучайтириш масалалари устувор вазифа бўлиб қолади.

...Сумалак – минг даргда даво тансиқ таом. Кўпчиликнинг меҳридан, бирдамлик ва аҳилликдан тотли бўлган нъмат. Халқимиз ҳар йили баҳорда дошқозонларда сумалак пиширади. Кўни-кўшни, маҳалла-қўйга тарқатади. Бу танларга қувват, руҳга тинчлик бағишлайди. Ўзаро меҳр-оқибатни мустаҳкамлайди.

Ўзбекистонимизнинг бош саҳнасида сумалак тайёрланиши ана шундай миллий қадриятларимизни, эзгу интилишларни ифодалайди. Шўх-шодон болакайлар "Сумалак" кўшигини ижро этади.

Санъат усталари, эстрада юлдузлари, ёш хонандалар ўзларининг янги куй-кўшиқларини, рақсларини ижро этадилар.

Майдон узра таралган мусиқий оҳанглар, ҳофизлар хонишида Наврўз, Ватан, жамиятимиздаги бунёдкорлик муҳити, ёшлик, севги ва вафо тараннум этилади...

Миллий богда ташкил этилган халқ хунармандлари кўргазмасида намойиш этилаётган маҳсулотлар бунёдкор, меҳнатсевар халқимизнинг бой маданий мероси ва юксак санъатининг ифодаси сифатида кўнгилда фахр уйғотади.

Қиру адирларда, дашту далаларда, кўча ва хиёбонларда дилларни эркалаб баҳор сабоси таралмоқда, борлиқни уйғотувчи Наврўз навоси янграмоқда.

Мамлакатимизнинг барча шаҳар ва қишлоқларида Наврўз сайиллари, байрам шодиёналари давом этмоқда.

Анвар САМАДОВ,
ЎЗА мухбири


HAMKORBANK

НАВРЎЗИ ОЛАМ
байрами билан
пойтахтимиз
аҳолиси ва
меҳмонларини
самимий муборакбод
этамиз.

ЮРТИМИЗ БЎЙЛАБ КЕНГ
НИШОНЛАНАЁТГАН ЯШАРИШ ВА
ЯНГИЛАНИШ БАЙРАМИ СИЗЛАРГА ФАҚАТ
ҚУВОНЧ ОЛИБ КЕЛСИН. ОИЛАНГИЗГА
ФАРОВОНЛИК ТИЛАБ

ҲАМКОРБАНК ЖАМОАСИ

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

ТОШКЕНТ ШАҲАР ТАБИАТНИ
МУҲОФАЗА ҚИЛИШ ҚЎМИТАСИ
ЖАМОАСИ

АЗИЗ

ҳамшаҳарларимизни
яшариш, покланиш,
нафосат ва эзгулик
байрами – Наврўзи
олам ҳамда Обод
тўрмуш йили билан
муборакбод этади.

Хонадонингизга тинчлик,
гастурхонингизга тўқинлик,
юртимизга фаровонлик ва
осойишталик тилаймиз.

ЎЗБЕКИСТОН ДАВЛАТ ЖАҲОН ТИЛЛАРИ
УНИВЕРСИТЕТИ ЖАМОАСИ
ҲАМШАҲАРЛАРИМИЗ
ВА ПОЙТАХТИМИЗ МЕҲМОНЛАРИНИ

*Наврўз умумхалқ байрами билан
самимий қутлайди.*

*Барчангизга сиҳат-саломатлик,
хонадонингизга қут-барака, бахт-
саодат, Ватанимизнинг гуллаб-
яшнаши йўлидаги фаолиятингизга
янгидан-янги муваффақиятлар
тилаймиз.*


UZTELECOM

ЎЗБЕКТЕЛЕКОМ
АК "ТШТТ" ФИЛИАЛИ ЖАМОАСИ

барча ҳамюртларимизни гўзаллик ва
нафосат, мурувват ва саховат рамзи
бўлган, халқимизнинг қадимий урф-
одатлари ва қадриятларини ўз ичига
қамраб олган ҳамда уларни авлоддан-
авлодга етказиб келаётган – Наврўзи
олам байрами билан чин қалбдан
табриклайди.

Ҳамиша соғ-саломат бўлинг, азизлар!



O'ZSANOATQURILISHBANK

“ЎЗСАНОАТҚУРИЛИШБАНК” ОАТБ
ТОШКЕНТ ШАҲАР МИЯТАҚАВИЙ ФИЛИАЛИ
барча юртдошларимизни
НАВРЎЗИ ОЛАМ
билан самимий табриклайди!

Ушбу шодиёна кунларда “�зсаноатқурилишбанк”
янги турдаги омонатларни таклиф этади

“Тежамкор” Депозит тури: Муқаддатли депозит Муддати: 3 ой Бошланғич бадалнинг минимал миқдори: Минимал 100,0 минг сўм Қўшимча шартлари: Фонд даромади ҳар ойда тўланади	“Маржон” Депозит тури: Муқаддатли депозит Муддати: 4 ой Бошланғич бадалнинг минимал миқдори: Минимал 100,0 минг сўм Қўшимча шартлари: Фонд даромади ҳар ойда тўланади
“Навниҳол” Депозит тури: Жамғарма омонат Муддати: 3 ой Бошланғич бадалнинг минимал миқдори: Минимал 100,0 минг сўм Қўшимча шартлари: Қўшимча маблағлар қабул қилинади. Омонат автомат йўли билан кейинги муддатларга ўтказилади.	“Яхши ният” Депозит тури: Муқаддатли депозит Муддати: 6 ой Бошланғич бадалнинг минимал миқдори: Минимал 100,0 минг сўм Қўшимча шартлари: Фонд даромади ҳар ойда тўланади



Омонатчилар диққатига!

- Омонатга аҳолидан пул маблағлари чекловсиз қабул қилинади;
- Омонатчилар тўғрисида маълумотлар сир сақланади;
- Омонатлар ва унга ҳисобланган фонд даромадлари омонат шартига асосан вақтида тўлиқ берилиши кафолатланади;
- Ўзсаноатқурилишбанкдаги аҳоли омонатлари Ўзбекистон Республикаси “Фуқароларнинг банклардаги омонатларини кафолатлаш фонди” томонидан кафолатланган.

Вакт давомида синалган ишонч!
www.uzpsb.uz

xizmatlar litsenziyalangan

РЕКЛАМА ВА ЭЪЛОНЛАР / РЕКЛАМА ВА ЭЪЛОНЛАР

Азиз ҳамшаҳарлар!
Сизларни бетакрор баҳор гўзаллиги билан
юртимизга кириб келатган Наврўз умумхалқ
байрами билан самимий муборакбод этамиз.

Ушбу улуғ айём, тинчлик ва ободлик
рамзи – Наврўзи олам муносабати билан
барчангизга куч-гайрат, шижоат ва
муштаҳкам соғлиқ тилаймиз.
Наврўз ила гўзал диёримиз нурга тўлсин!

Ўзбекистон Республикаси Ташқи ишлар вазирлиги
“Ўздиётрансхизмат” Давлат унитар корхонаси жамоаси

“МАҲАЛЛА” ХАЙРИЯ ЖАМОАТ ФОНДИ ТОШКЕНТ ШАҲАР БЎЛИМИ
БОШҚАРУВИ ЖАМОАСИ

азиз ҳамшаҳарларимизни Наврўз умумхалқ
байрами билан чин дилдан қутлайди.

Юртимизга тинчлик, осудалик, дастурхонимизга
тўкинлик, оиламизга файзу тароват тилайди.
Обод турмуш йилида Ватан ичра кичик бир
Ватан бўлган маҳаллаларимиз бундан-да обод,
хонадонларимиз осойишта, тинч-тотув бўлсин.

Спорт янгиликлари

Пойтахтимиздаги Республика олимпия заҳиралари теннис мактабига ўсмирлар ва қизлар ўртасида Халқаро теннис федерацияси (ITF) мусобақалари тақвимида кирувчи анъанавий халқаро турнир давом этмоқда. Унда Ўзбекистон, Буюк Британия, Финляндия, Швейцария, Польша, Руминия, Грузия, Беларусь, Россия, Латвия, Литва, Украина ва Қозоғистондан ёш теннисчилар куч синашмоқда.

Мамлакатимизда соғлом турмуш тарзини тарғиб қилиш, Олимпия спорт турларини ривожлантириш, хусусан, теннисчиларимиз тажрибаси ва маҳоратини ошириш мақсадида ҳар йили йигирмага яқин халқаро турнир ташкил этилади. Жорий мавсумда Тошкент, Наманган, Андижон, Фарғона, Самарқанд, Қарши ва Бухоро шаҳарларида Халқаро

ЁШ ТЕННИСЧИЛАР — ТОШКЕНТ КОРТЛАРИДА

теннис федерацияси мусобақалари тақвимида кирувчи эркеклар ўртасидаги «Фьючерс», «Челленжер», ўсмирлар ва хотин-қизларнинг халқаро турнирлари ўтказилади.

Мазкур халқаро турнирнинг ўтган йилги ғолиби Темури Исмоилов дастлабки учрашувда россиялик Темури Салбиевни 6:4, 6:4 ҳисобда енгди. Яна бир умидли теннисчимиз Жўрабек Каримов эса

россиялик Борис Пак устидан ғалабага эришди — 6:1, 6:2.

Шунингдек, финляндиялик Н.Салминен, Э.Васа, швейцариялик Д.Валент, грузиялик Ш.Мепаридзе, украиналик А.Лебедин, польшаллик П.Ломаски ҳамда россиялик А.Шахнубарян каби теннисчилар ҳам бош совин учун курашни давом эттирмоқда.

Қизлар ўртасидаги яқкалик баҳсларида теннисчиларимиз Сарвиноз Саидхўжаева россиялик Юлиа Бризгаловани 6:4, 6:2, Арина Фольц финляндиялик Петра Пииртолани 6:1, 6:3, Яна Хон яна бир россиялик Анастасия Курпинани 7:5, 6:0 ҳисобда мағлубиятга учратди.

Турнирда дастлабки ғалабасини нишонлаган россиялик А.Поспелова, П.Пахомова, А.Ричагова, латвиялик А.Хомутова, руминиялик А.Гитеску, литваллик Ж.Микулеску ва қозоғистонлик Г.Докей каби теннисчилар ҳам иккинчи босқичга чиқди.

Зоҳир ТОШХЎЖАЕВ,
ЎЗА шарҳловчиси

«БУНЁДКОР»НИНГ САФАРДАГИ ЙИРИК ҒАЛАБАСИ

Футбол бўйича Ўзбекистон XXII миллий чемпионати олий лигасида учинчи турнир илк учрашуви «Локомотив» ва «Шўртан» жамоалари ўртасида бўлиб ўтди. Унда майдон эгалари йирик — 3:0 ҳисобда ғалаба қозонди.

Амалдаги Ўзбекистон Кубоги соҳиби «Бунёдкор» эса Зарафшонда «Қизилқум» меҳмони бўлиб, худди шу ҳисобдаги (0:3) ғалаба билан пойтахтга қайтди. Зарафшонда ўтган учрашув Миржалол Қосимов шогирдлари устунлигида ўтди. «Бунёдкор» ярим ҳимоячиси Олег Зотеев уйинда дублга эришди. Дастлаб у кучли зарба билан Эркин Жабборов дарвозасини аниқ нишонга олган бўлса, иккинчи бўлимда Алибобо Раҳматуллаев томонидан етказиб берилган узатмани голга айлантирди. Шунингдек, уйин якунланиши арафасида ҳужумчи Игорь Таран ҳам яқкама-яқка вазиятда яна мезбонлар посбонини доғда қолдирди.

Ушбу ғалабадан сўнг «Бунёдкор» олий лигада дастлабки 3-тур якунига кўра, 9 очко тўплагани ҳолда яқка пешқадам бўлиб турибди.

Қолган учрашуларда қуйидаги натижалар қайд этилди: «Насаф» — «Бухоро» — 3:1, «Гулистон» — «Олмалик» — 0:0, «Металлург» — «Динамо» — 0:0, «Сўғдиёна» — «Навбахор» — 2:0, «Пахтакор» — «Нефтичи» — 1:0.

«Туркистон-пресс»

Кейинги йилларда болалар ва ўсмирлар ўртасида «ақл гимнастикаси» бўлими шахматга қизиқиш жадаллик билан кучайиб бораётганлиги, болалар ҳамда ўсмирлар ўртасидаги халқаро турнирларда ҳамюртларимиз муваффақиятга эришаётганликлари тасдиқ эмас.

ЖАҲОН ЧЕМПИОНИГА МУНОСИБ ТУҲФА

Албатта бунда бошқа спорт турлари қатори шахматни болалар ўртасида омалаштириш ҳамда ривожлантириш мақсадида амалга оширилаётган самарали ишлар катта роль ўйнамоқда. Ёдингизда бўлса, Тошкентда амалдаги жаҳон чемпиони Вишванатан Ананд ҳамда жаҳоннинг XVII чемпиони Рустам Қосимжонов ўртасида ўртоқлик учрашуви ҳамда болалар, ўсмирлар учун мас-тер класс машғулотлари ўтказилган эди. Бундан ташқари, ўтган йили ФИДЕ томонидан уюштирилган шахмат бўйича халқаро Тошкент Гран-при турнири ҳам юртимиз болалари орасида шахматга бўлган қизиқишни янада кучайтирди.

Саккиз ёшдан ўн ёшгача бўлган болалар ўртасида шахмат бўйича Ўзбекистон ҳамда Осиё чемпионлигини қўлга киритган ҳамшаҳримиз Нодирбек Абду-

саторов айна пайтда 9 ёшда. Қувонарли жиҳати шундаки, яқинда Словенияда 8-10 ёшли болалар ўртасида уюштирилган жаҳон чемпионатида юртимиз шарафини муносиб ҳимоя қилган Нодирбек Абдусаторов 2000 дан ортққ ёш шахматчилар орасида энг маҳоратли эканлигини исботлаб, яқинда биринчи ўринни эгаллади ва жаҳон чемпиони бўлди.

Ўзбекистон шахмат федерациясида шахмат усталари, мураббийлар, мухлислар иштирокида ўтказилган йиғилишда жаҳон чемпиони Нодирбек Абдусаторовга Ўзбекистон Республикаси Президентининг совғаси — компьютер жамланмаси туҳфа этилди. Албатта, ушбу совға Нодирбекни келажакда янада улкан парвозлар сари ундаши аниқ.

Акбар ЙҮЛДОШЕВ

ФУТБОЛ ШОУ САНАСИ МАЪЛУМ

Ўтган йили «Ўзбекистон маданияти ва санъати форуми» жамғармаси ташаббуси билан «Ҳаёт учун» деб номланган хайрия акцияси ташкил этилган эди.

Ушбу акция доирасида санъаткорлардан таркиб топган жамоа аъзолари ўртасида футбол шоу бўлиб ўтгандан барчанинг хабари бор, албатта.

Кўкрак беги саратони билан оғриган аёлларни даволашга имкон яратиш мақсадида

уюштирилган ушбу хайрия акцияси жорий йилда ҳам ўтказиладиган бўлди.

Эндиликда футбол мухлислари 25 апрель куни «Бунёдкор» стадионида санъаткорлар жамоаси ўртасида уюштирилаётган футбол беллашувини томоша қилишлари мумкин.

Халқаро футбол тарихи ва статистикаси федерацияси ташаббуси билан мамлакатлар миллий терма жамоаларининг янги рейтинг жадвали эълон қилинди.

РЕЙТИНГ НАТИЖАЛАРИ

Унга кўра Миржалол Қосимов бош мураббийлигидаги Ўзбекистон миллий терма жамоаси 59-ўринга лойиқ қўрилди.

Шуниси эътиборлики, миллий терма жамоамиз ҳамон Осиёда Япония, Жанубий Корея, Австралиядан кейин тўртинчи ўринда, МДХ давлатлари орасида Россия ва Украинадан кейин учинчи ўринда бормоқда.

Рейтинг жадвалида ҳамон жаҳон ва Европа чемпиони Испания терма жамоаси карвонбошилиқ қилмоқда.

Тошкент оқшом

Манзилимиз: 100029,
Тошкент шаҳри,
Матбуотчилар кўчаси, 32

ТЕЛЕФОНЛАР:
Эълонлар 233-28-95
236-57-65, факс (371) 232-11-39

2007 йил 19 январда Тошкент шаҳар
Матбуот ва ахборот бошқармасида
02-1-рақам билан рўйхатга олинган

Нашрни етказиб бериш масалалари бўйича турар жойлардаги почта бўлимларига ёки
«Тошкент почтамити»га — 233-74-05 телефонига мурожаат қилишингиз мумкин.
Газета таҳририят компьютер марказида терилди ва саҳифаланди

МУАССИС: ТОШКЕНТ ШАҲАР
ҲОКИМЛИГИ



Бизнинг электрон манзили:
vto2007@mail.uz

Буюртма Г- 341

Душанба, сешанба, чоршанба,
пайшанба ва жума кунлари чиқади
Нашр кўрсаткичи — 563

Ҳажми — 2 босма табоқ, офсет усулида босилади.
14221 нусхада босилди.
Қозғоз бичими А-2

Нашр учун масъул
Д. Исроилов

Босишга топширилди: 22.40

«Шарқ» нашриёт-матбаа акциядорлик
компанияси босмаҳонаси. Корхона
манзили: Буюк Турон кўчаси, 41-уй

Бош муҳаррир
Акмал АҚРОМОВ